

安福縣志卷二十四

風俗

氣候
商賈

時序
飲食

占驗
衣服

士習
居處

民風
言語

農事
冠禮

女功
婚禮

工役
喪祭

陸清獻公隴其之言曰民之習尚無一定禹貢紀山川不紀風俗風俗因乎上也諒哉斯言可謂得其本矣福邑地遠囂塵人敦古處其君子好禮而崇節儉其小人畏法而恥非爲一切驕奢淫佚之風未之或染豈其民情之獨近古哉亦涵濡於聖教者深也爰遠採舊聞近徵時尚條分而臚列以爲求治者觀風問俗之一助云志風俗

安福縣志

風俗

一

卷二十四

史記貨殖傳西楚俗剽地薄寡於積聚

漢書地理志楚有江漢川澤山林之饒江南地廣或火耕水耨民食魚稻以魚獵山伐爲業果蓏蠃蛤食物常足故些窳偷生而亡積聚飲食還給不憂凍餓亦無千金之家

隋書地理志尚書荆及衡陽惟荊州其風俗物產類揚州其人率多勁悍決烈天性然也

宋史地理志荆湖南北路大率有材木茗菴之饒金鐵羽毛之利其土宜穀稻賦入稍多

通志土野沃衍上有泉源下有湖池其民襁褓而事錢鏹以殖衣食無所仰於四方

〔一〕統志士知義而好文信巫而尙鬼民以網罟爲業有楚遺俗有屈原遺風

岳志澧俗畏上樂輸力於耕桑急公靡怠較他邑爲馴

王堪制詞澧有屈原遺風

胡文煥風土記地饒民醅

舊州志土腴俗美力於耕桑畏上樂輸號爲易治

安福縣志

風俗

二

卷之二十四

翼遷志稻田繡錯桑塢風清山牧歌恬江漁響答土樸民醅男貞女淑以故忠孝節義端方爾雅之風傳藝林者澧稱盛云

允永風俗記人啜茗粥著山屐其地植綿者少布多

以麻

志林云茗粥以鐵爲之有齒着足下以登山者茗粥山屐以鐵爲之有齒着足下以登山者

卽夏書四載山乘之樛今稱脚馬子慈云皆馬援征蠻遺俗案今武陵郡多播茶澧間絕少麻亦少植綿則多於昔而脚馬子天下皆用之不必澧俗也

氣候

通志南楚當祝融之墟位炎離鍾火德故四時之氣

候寒少而燠多五六月溼氣上騰楹壁間皆拭之欲
流而長江風急寒暄亦旦夕不常自長而北爲岳州
山海經云洞庭帝之二女居之出入必以飄風暴雨
一指顧間汪洋萬頃風雨不時俄而長烟一空皎月
千里融和之氣近襲襟裾杜甫詩所謂楚天不斷四
時雨也澧屬瀕大湖與岳同候

時序

〔志林〕元旦男女盛服設香爐茶酒叩天地祖先畢因
時之吉具香楮爆竹出門前向吉方禮行三神揖而反

安福縣志

風俗

三

卷之二十四

拜父母舅姑及尊長旋謁附近鄰族親友遠者異日
彼此互相慶宴名春酒 元宵剪五綵爲燈如繡毬
走馬蓮花之類比屋懸掛鄉市盛鼓吹扮故事獅子
魚龍雜戲 清明前一日備酒饌祭先塋以竹枝懸
紙錢插墓上應培築者是日料理遠者於前後三日
新塋者於社日 端午懸蒲艾於戶牖食角黍切蒲
片和雄黃泛酒飲又以塗小兒額或耳鼻云辟邪毒
凡媼姪族鄰拜慶略如元旦禮時或扎綵爲龍舟喧
金鼓往來波心謂之競渡蓋屈原以五月五日投汨

羅江死楚人傷之每歲是日競渡不忘援溺也 六
月六日曬書籍曝衣 中元家設酒饌於十一日起
列祀祖先封紙錢於是晚或先晚焚楮疏薦 中秋
備瓜餅對月飲酒學舍尤盛 重陽士大夫攜酒登
高賦詩爲樂 臘月二十四日夜鳴金鼓掃室祀竈
家人會飲名小團年預作米麵食物相餽遺 除日
易門神貼春聯行辭年禮午後祀天地祖先竈神是
夕合家聚飲名大團年爆竹喧震達旦謂之守歲

士習

安福縣志

風俗

四

卷之二十四

〔志林〕人重儒術文宗正軌原志士多高年習無奔競
敦孝弟於庭闈誦詩書於家塾繼晷焚膏難比照螢
之苦讀吟詩作賦思效哦句於平臺卽或屢躓場屋
安分守己鮮有城闕挑達之譏福邑多能文之士大率半耕半讀家寒者

入泮後卽以教讀爲務畏官府親長刁健之習至今罕覩焉應童試者多至千餘人

民風

〔志林〕性質醇厚畏上樂輸原志陳詩採風觀民好惡
野無曠土邑無游民耰鋤借而德色不見箕帚取而
諛語不聞歲豐耻華豪自恣歲歉止仰屋空嗟間有

刁頑而爲善於鄉者亦畏姓名之告

農事

〔志林〕物土之宜勤於稼穡原志卑溼之田苦金穰高燥之產憂木饑福邑水田宜稻一熟復種晴則披星戴月雨則荷笠負蓑噴饁媚婦良耜依土水產不足外有陸產之補灌案福邑原隰平衍土田豐腴沿河一帶併無筒車夏雨偶愆則桔槔四起往人以爭水經官所謂農夫惜水如惜血也田多之家招人佃種亦有進庄亦必另之說否則工方霸能畢租或所不免種之法則自種與他邑芽無異惟秋後復治田多種麥蕎油菜所得

安福縣志

風俗

五

卷之二十四

亦自絕不東坡詩云秧時草之一大笑必是相嘲唾具見大
聲不絕不東坡詩云秧時草之一大笑必是相嘲唾具見大
平民樂景象至大穫時則貧家童居然有古風焉
後拾取殘禾人亦不禁遺秉滯穗居然有古風焉

女功

〔志林〕戶操紡織家藝菜蔬原志居鄉村者操井臼務織紡住城市者習針黹紉補綴非內親外戚不相接見非婚嫁喪祭不相往來至貧苦之婦躬親稼穡富家巨族亦有錦繡纂組之飾

工役

〔志林〕自食其力不墮閒遊原志業號專家長兼數藝

攷工所載攻木攻金攻皮以及設色繪畫之屬邑皆需用然工有巧拙役有勤惰率作興事者與其使人浮於食也甯使食浮於人

案今邑民執匠事者甚多鄉里窮人往往受役於外

爲人作田亦能資此以養身家鮮有遊手好閒者

商賈

志林服賈通商水陸輻輳原志通闐帶闐貪賈三廉賈五此史遷之傳所以開千古巧利之門邑市湫隘囂塵外省客商居其大半爾無我詐我無爾虞雖五尺適市交易而退各得其所

志林所謂水陸輻輳惟州境津市則然今縣

安福縣志

風俗

六

卷之二十四

城不通大河商賈無多如新安鰲山余市橋各處亦非大市鎮至原志謂五尺無欺之說亦未必盡然大抵詐偽者少耳

飲食

志林曩鄉里宴會止於數豆城市邑鎮乃好相勝今稍裕之家雖鄉里肆筵召客覺非用海味無以示敬原志稱家有無素位而行者亦多

衣服

志林曩鄉里衣服純用棉布見衣錦綺者相顧愕眙邑鎮乃有錦繡葛裘之事今庶民繡衣絲履不以爲

異原志巨族華美之服竟有費數十金而爲之者

居處

舊志曩棟宇堅整率卑陋無華飾山澤之民茅屋僅蔽風日今簷牙高啄客堂花圃位置美麗城鄉巨族問亦有之

言語

舊志五方之言語不同一物也而稱謂各別一字也而音響迥殊成於習者然也南楚多土談惟澧屬不然一切語言皆明白易曉間有不同者如稱我爲頑

安福縣志

風俗

七

卷之二十四

音近晚疑謙詞也

謂石爲巖音近揆

之類亦殊不多至通志所

載方言沅澧之間凡相問而不知答曰諫使之而不肯答曰言凡相哀憐謂之噴或謂之無寫凡言或如此者曰澹如是其類甚多不能悉紀

冠禮

志林男子命字必於將婚之歲猶存冠禮遺意原志古之冠而字者行於學禮之時今行於將婚之日世

俗相沿已久古禮難以遽復

案今秩功令頒行頂帽品級如士人入泮授

職必筮口擇賓設席謁廟而後戴之其亦冠禮之變者與

婚禮

志林六禮不必悉具男女在襁褓及成童以前意氣相投或以赤褌書庚或卽一言爲定亦有擇配愆期至冠笄後始定者將娶男家請期備服飾女家備妝奩各稱家厚薄大概鄉里多儉城市多侈屆期二家各爲酒食招鄉黨僚友婿親迎女家以姑嫂兄弟送女鼓樂前導壻先反俟於門婦至門反馬壻入俟於堂男家擇女客中有才福兼者迎新婦入壻及婦拜家堂祖先行合巹禮數日媼賓會讌者亦隨力袖金

安福縣志

風俗

八

卷之二十

錢爲見儀見新人次日新婦奉茶菓拜見舅姑及尊長亦古者棗栗段修之遺意也

喪禮

志林三日成服設奠治喪多遵文公家禮民家常作佛事甚且打喪鼓近來士以禮倡民亦多效之殯葬最重形家言有停柩數年已葬數起遷者近此風亦

稍息

案邑俗作佛事打喪鼓者頗多至停柩起遷之事則少見

祭禮

志林祥禫遵文公禮祭於寢冬至節會族祭於祠遊

泮中式選官則備香帛羊豕酒肴張旗蓋鼓吹祭於墓原志忌祭鮮行惟春月掃墓新亡者春社前久沒者寒食節至中元薦祖立冬祭祠有祭田者收租供給無祭田者捐貲同享向乏家祠多行祭於寢今近來糾族立祠者羣姓皆是

案此城外有祭賽之禮則城隍廟最盛多建醮

誦經扮故事放花燈互相誇耀餘則父母疾患一時舉念許香愿詣寺廟酬報亦有之

謹案風俗以紀實也故必美惡兼載使人知所勸懲且以備輶軒之採考舊志備錄各條而以見聞所及附記於後於農事尤爲加詳至氣候占驗言

安福縣志

風俗

九

卷二十四

語三條則參考各志補入亦皆覈實紀之無俟增輯爲也長民者流覽是卷其尚於化民成俗之政如之意焉